



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XXXIV. De Habitu, Missale, & Breviario Canoniorum Præmonstraten.
Congregat. Hispaniæ.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

§. 3. Decernentes easdem presentes, & praesentias literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quodcumque spectabit, in omnibus, & per omnia plenissime suffragari: & ab eis respective inviolabiliter observari: Sicque in praemissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definituri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, necnon omnibus, & singulis illis, quae in praesentis Innocentii Praedecessoris literis concessa sunt non obstante, caeterisque contrariis quibuscumque.

§. 5. Volumus autem, ut earundem praesentium literarum transumptis, seu exemplis, etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis eadem proferri fides ubique locorum tam in Judicio, quam extra illud habeatur, quae ipsis praesentibus haberetur si forent exhibitae, vel ostensae.

Datum Romae apud S. Mariam Majorem sub Annulo Piscatoris die XXIV. Nov. MDCCII. Pontificatus nostri anno Tertio.

XXXIII.

Confirmatur Decretum Congreg. Episc., Reg. de Lecturis, & Lectoribus Frat. Praedicatorum Congregationis Observ. Sancti Marci de Cavotis.

Innoc. XII. Const. ed. 1696. Jul. 23. P. 6. est de examine pro Lecturis, & Bened. XIII. Const. ed. 1716. Feb. 8. P. 2. agit de receptione Religiosorum ad Congregationem S. Marci.

CLEMENS PAPA XI.

Ad futuram rei memoriam.

Dat. 2. Dec. 1701. An. 3.

Causae insequentiis Decreti.

Alias pro parte dilectorum filiorum Procuratoris, & Fratrum Conventus S. Mariae Gratiarum nuncupat. Terrae, seu loci S. Marci de Cavotis etiam nuncupat. Congregationis Observantiae ejusdem S. Marci de Cavotis in Regno Neapolitano Ordinis Praedicatorum Congregationi Ven. Fratrum nostrorum S. R. E. Cardinalium negotiis, & Consultationibus Episcoporum, & Regularium praeposita, exposito, quod cum dicta Congregatio S. Marci in simplicitate cordis, & humilitate spiritus instituta fuisset, Fratres ejusdem Congregationis, ab ipso illius primordio, omnibus gradibus Baccalaureatus, praedicatorum generalis, & Magisterii renunciaverant, & in suscepto proposito hujusmodi, Praedicatorum, & Lectorum titulis dumtaxat contenti, a centum circiter annis perseveraverant, adeoque ipsi Congregationi denominatio Stricteris Observantiae a Magistris Generalibus d. Ordinis pro tempore existentibus attributa, & attentio quod Praedicatorum, & Lectores actuales nullo privilegio, nullaque specifica exemptione potiebantur, & caeteris tam in victu, quam in vestitu conformabantur, specialia privilegia a Romanis Pontificibus Praedecessoribus nostris concessa fuerant; Et in eadem expositione subjuncto, quod plures patres Provinciae dicti Regni Neapolitan. Ordinis praedicti ad Conventus Studiorum ejusdem Congregationis, ut in illis lecturas exercerent, curriculum suum absolvent, & sic gradus Scholasticos ab eis ad solitas eorum exemptiones obtinendas magnopere desideratos consequerentur, venire multis modis instantes procuraverant, & adhuc procurabant;

illorum vero in dictis Conventibus commoratio; cum obsequium sibi exhiberi vellent, victu, & vestitu communi contenti essent, magnum observantiae Regulari detrimentum allatura erat: Ac proinde praedictae Cardinalium Congregationi supplicato, ut dictae Observantiae Regularis conservationi in hac parte consulere dignaretur. Emanavit ab eadem Congregatione Cardinalium Decretum tenoris, qui sequitur, videlicet -- Sac. Congregatio Emorum, & Reverendiss. S. R. Eccl. Cardinalium negotiis, & consultationibus Episcoporum, & Regularium praeposita, auditore Patre Procuratore Generali Ordinis, & attentis narratis, censuit, ac declaravit, Lecturas de quibus agitur, non suffragari pro gradibus, & Lectores uti debere vestitu, & victu sicuti caeteri Religiosi. Romae 16. Decemb. 1701. -- G. Card. Carpineus. Loco ✕ Sigilli. I. D. -- Grimaldus.

§. 1. Cum autem, sicut dicti Prior, & Fratres nobis nuper exponi fecerunt, ipsi Decretum hujusmodi quo firmius subsistat, & servetur exactius Apostolicae confirmationis nostrae patrocinio communiti summopere desiderent; Nos ipsos Exponentes specialibus favoribus, & gratis profsequi volentes, & eorum singulares Personas a quibusvis excommunicationis, suspensionis, & Interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, Decretum praesentium auctoritate Apostolica tenore praesentium approbamus, & confirmamus; illique inviolabilis Apostolicae firmitatis robur adjicimus; salva tamen semper in praemissis auctoritate praedictae Congregationis Cardinalium.

§. 2. Decernentes easdem presentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit, in omnibus & per omnia plenissime suffragari, & ab eis respective inviolabiliter observari: Sicque in praemissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definituri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac quatenus opus sit Ordinis, & Congregationis S. Marci hujusmodi, etiam juramento, confirmatione Apostolica, vel quavis firmitate alia roboratis Statutis, & consuetudinibus; privilegiis quoque; Indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac ad verbum insertis habentes, illis alias in suo robore permansuris ad praemissorum effectum hac vice dumtaxat specialiter, & expresse derogamus, caeterisque contrariis quibuscumque.

Datum Romae apud S. Mariam Majorem sub Annulo Piscatoris die II. Decembris MDCCII. Pontificatus nostri anno Tertio.

Statuitur, ut Canonici Regulares Congreg. Hispaniae Ord. Praemonstraten. reassumant Habitum, Breviarium, & Missale dicti Ordinis.

Idem praecipit fuit Const. ed. 1702. Nov. 6. sed postea Const. ed. 1705. Maji 30. P. 5. aliter dispositum.

Preces Fratrum Conventus S. M. Gratiarum.

Clausula.

XXXIV.

Exordium.

Commissa Nobis divinitus dispensationis ratio exigit, ut sanctarum Religionum statum in sua integritate, & puritate conservare, & primava illarum Instituta sicuti exciderint, ad pristinam observantiam, adjuvante Domino reducere satagamus.

Diu erat, quod dd. Canonici assumerant habitum Monasticum, & Rom. Breviarium.

§. 1. Cum itaque, sicut accepimus, dudum nempe tempore Pontificatus felic. rec. Gregorii Papæ XIII. prædecessoris nostri in occasione reformationis in Congregatione Hispaniæ Canonico-regularium Ordinis Præmonstraten. tunc introductæ, Canonici Regulares dictæ Congregationis tunc existentes habitum monasticum, ac usum Breviarii Romani assumpserint, dilectique filii moderni Canonici Regulares ejusdem Congregationis dispositioni trecentesimo trigesimo quarti, aliorumque Capitulorum Constitutionum dictæ Congregationis, & quarumdam rec. mem. Urbani Papæ VIII. prædecessoris pariter nostri die 19. Augusti 1651. ac tam dicti Gregorii prædecessoris, quam piæ mem. Pii Papæ V., etiam prædecessoris nostri literarum in simili forma Brevis emanatarum inhærentes habitum, & Breviarium hujusmodi adhuc retineant: Quo vero intentioni Sancti Norberti dicti Ordinis Canonico-regularium Institutoris conformentur, & congruum sit, ut relicto dicto habitu Monastico primævum habitum regularem, qui ab aliis Canonice Regularibus ejusdem Ordinis communiter gestatur, resumant, ac relicto pariter dicto Breviario Romano, divina Officia juxta Breviarium, & Missale ejusdem Ordinis recitent: Hinc est, quod Nos dictam Congregationem, ad primæva sua Instituta in hac parte reduci cupientes, ac Constitutionum, necnon Pii, Gregorii, & Urbani prædecessorum literarum prædictarum tenores, & datas etiam veriores, aliæque quælibet etiam specificam, & individuam mentionem, & expressionem requirentia præsentibus pro plene, & sufficienter expressis, insertis, & specificatis habentes, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum consilio, ac Motu proprio, & ex certa scientia, ac matura deliberatione nostris, deque Apostolicæ potestatis plenitudine, ut de cætero dicti Canonici regulares, relicto habitu Monastico, & Breviario Romano habitum Regularem, qui ab aliis Canonice Regularibus dicti Ordinis communiter gestatur reassumere, & divina Officia juxta Breviarium, & Missale ejusdem Ordinis recitare omnino debeant, & teneantur, tenore præsentium statuimus, & ordinamus.

Causa prædd. Statuti.

Statutum prædd. motu proprio factum.

Clausula.

§. 2. Decernentes eandem præsentibus literas, & in eis contenta quæcumque, etiam ex eo, quod in præmissis, seu eorum aliquo interesse quovis modo habentes, seu habere prætendentes cujuscumque status, gradus, Ordinis, præminentia, & dignitatis existant, illis non consenserint, nec ad ea citati, vocati, & auditi, nec cause propter quas eandem præsentibus emanarint, adductæ, specificatæ, & justificatæ fuerint, aut ex alia quolibet quantumvis iusta, legitima, & privilegiata causa, colore, prætextu, & capite etiam in corpore juris clauso etiam enormis, enormissimæ, & totalis læsionis nullo unquam tempore de subreptionis, vel obreptionis, aut nullitatis vitio, seu intentionis nostræ, aut interesse habentium consensus, aliove quolibet etiam formali, & substantiali, ac incogitato, & incogitabili, individuamque mentionem requirente defectu, notari, invalidari, infringi, retractari, seu in controversiam revocari, aut ad viam, seu ad terminos juris reduci, sive adversus illas aperiitionis oris, restitutionis in integrum, aliudve quod-

cumque Juris, facti, vel gratiæ remedium intentari, vel impetrari, seu impetrato, aut etiam Motu, scientia, & potestatis plenitudine paribus concessio, vel emanato quempiam in iudicio, vel extra illud uti, seu se juvare posse, sed eandem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore, quodcumque spectabit, inviolabiliter, & inconcusse observari; Sicque, & non aliter in præmissis per quoscumque Judices Ordinarios, & Delegates, etiam causarum Palatii Apostolici Auditores, ac S. R. E. prædictæ Cardinales etiam de Latere Legatos, & Apostolicæ Sedis Nuncios, aliosque quoslibet quacumque præminentia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiti debere, ac irritum, & inane, si secus super his a quocumque quavis auctoritate scienter, vel ignoranter contigerit attentari.

§. 3. Quocirca Venerabili Fratri Francisco Archiepiscopo Larissen. nostro, & Apostolicæ Sedis in Regnis Hispaniarum Nuncio per præsentibus Motu pari committimus, & mandamus, quatenus ipse per se, vel alium, seu alios eandem præsentibus literas, & in eis contenta quæcumque solemniter publicans faciat auctoritate nostra præmissa omnia, & singula debite, & omnimodæ executioni quam primum commode fieri poterit, demandari, & ab omnibus, & singulis, ad quos spectat, & spectabit in futurum inviolabiliter observari, inobedientes quoslibet, & præmissis non parentes per censuras, & penas Ecclesiasticas, aliæque opportuna juris, & facti remedia omnia, & quacumque appellatione, reclamatione, & recursum postpositis, invocato etiam ad hoc si opus fuerit auxilio brachii secularis.

§. 4. Non obstantibus memoratis Pii, Gregorii, & Urbani Prædecessorum literis, cæterisque præmissis, ac quatenus opus sit Nostra, & Cancellariæ Apostolicæ Regula de jure quasito non tollendo, necnon similis memoria Bonifacii Papæ VIII. etiam prædecessoris nostri de una, & Concilii Generalis de duabus dietis, dummodo ultra tres dietas aliquis vigore præsentium in iudicium non trahatur, aliæque Constitutionibus, & Ordinationibus Apostolicis, ac Congregationis Hispaniæ, & Ordinis prædictorum, aliisve quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, etiam immemorabilibus; privilegiis quoque, Indultis, & literis Apostolicis, sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, & Decretis in genere, vel in specie, etiam Motu, scientia, & potestatis plenitudine similibus, seu alias quomodolibet in contrarium præmissorum quomodolibet concessis, confirmatis, & innovatis. Quibus omnibus, & singulis, etiam pro illorum sufficienti derogatione de illis eorumque totis tenoribus specialis, specifica, individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata, exprimerentur, & infererentur, iisdem præsentibus pro plene, & sufficienter expressis, & insertis habentes, illis alias in suo robore permanentibus, ad præmissorum effectum harum serie hac vice dumtaxat specialiter, & expresse derogamus, cæterisque contrariis quibuscumque.

§. 5. Volumus autem, ut earundem præsentium literarum transumptis, seu exemplis etiam

impressis

impresſis manu alicujus Notarii publici ſubſcriptis, & ſigillo perſonæ in Eccleſiaſtica dignitate conſtitutæ munitis, eadem prorsus fides ubique locorum habeatur, quæ haberetur iſpis præſentibus, ſi forent exhibitæ, vel oſtenſæ.

Datum Romæ apud Sanctum Petrum ſub Annulo Piſcatoris die VIII. Februarii MDCCIII. Pontificatus noſtri Anno Tertio.

XXXV.

Damnatur, & prohibentur folia impreſſa ſub titulo. *Lettre de Monſieur ***. Chanoine de B. à Monſieur T. D. A. Cas de conſcience &c.*

Ab Inn. XII. Conſt. ed. 1699. Mar. 12. P. 8. damnatus fuit liber - Maximes des Saints. Et hujus Pontificis Conſt. ed. 1704. Jan. 28. P. 4. damnatur libellus - Tradition ſur la Predeltination &c.

CLEMENS PAPA XI.

Ad perpet. rei memoriam.

CUM nuper in lucem prodierint quædam folia gallico idiomate edita, ſub titulo - *Lettre de M. *** Chanoine de B. à Monſieur T. D. A. &c. Cas de conſcience propoſé par un Confeſſeur de Province touchant un Eccleſiaſtique qui eſt ſouſ ſa conduite, & reſolu par pluſieurs de la faculté de Theologie de Paris -* Quamplures autem ex Venerabilibus Fratribus noſtris S. R. E. Cardinalibus, quos ad examen dictorum foliorum ſpecialiter delegimus, audita, ac diligenter perpenſa foliorum hujusmodi cenſura, quæ coram Nobis relata fuit, folia ipſa damnanda, & prohibenda eſſe cenſuerunt. Hinc eſt quod Nos pro commiſſa Nobis ab æterno Patre gregis ſui cura, dominicas oves quantum Nobis ex alto conceditur, a noxiis præſervare cupientes, de memoratorum Cardinalium conſilio, folia prædicta auctoritate Apoſtolica tenore præſentium damnamus, & reprobamus, ac legi, & retineri prohibemus, illorumque impreſſionem, descriptionem, lectionem, retentionem, & uſum omnibus, & ſingulis Chriſtiffidelibus, etiam ſpecifica, & individua mentione, & expreſſione dignis, ſub pena excommunicationis per contrafacientes ipſo facto abſque alia declaratione incurrenda omnino interdiciamus. Volentes, & auctoritate prædicta mandantes, ut quicumque eadem folia penes ſe habuerint, illa ſtatim atque præſentes literæ eis innotuerint, locorum Ordinariis, vel hæreticæ pravitatis Inquiſitoribus tradere, atque conſignare teneantur. In contrarium facientibus non obſtantibus quibuſcumque.

Dat. 12. Febr. 1703. An. 3.

Titulus Foliorum.

Damnatio & prohibitio.

Præceptum conſignandi folia Ordinariis, vel Inquiſitoribus.

Claula.

§. 1. Ut autem eadem præſentes literæ ad omnium noticiam facilius perveniant, nec quicquam illarum ignorantiam allegare poſſit, volumus, & eadem auctoritate decernimus, ut illæ ad valvas Bæſilicæ Principis Apoſtolorum, ac Cancellariæ Apoſtolicæ, necnon Curie Generalis in Monte Citorio, & in Acie Campi Floræ de Urbe per aliquem ex Curforibus noſtris, ut moris eſt publicentur, illarum exempla ibidem affixa relinquuntur, & ſic publicatæ omnes, & ſingulos, quos concernunt, perinde afficiant, ac ſi unicuique illorum perſonaliter notificatæ, & intimatæ fuiſſent.

§. 2. Utque ipſarum præſentium literarum tranſumptis, ſeu exemplis etiam impreſſis, manu alicujus Notarii publici ſubſcriptis, & ſigillo perſonæ in Eccleſiaſtica dignitate conſtitutæ munitis, eadem prorsus fides tam in Judicio, quam extra illud ubique locorum habeatur, quæ eiſdem præſentibus haberetur, ſi forent exhibitæ, vel oſtenſæ.

Datum Romæ apud S. Petrum ſub annulo Piſcatoris die XII. Februarii MDCCIII. Pontificatus noſtri Anno Tertio.

Confirmatur ſeparatio 12. Cœnobiorum a Provincia Germaniæ, & unio eorundem Provincie Hungariæ FF. Prædicatorum.

Ab Alex. VII. propoſita fuit diviſio Provincia Conſt. ed. 1666. Junii 9. Inn. XII. Conſt. ed. 1695. Jun. 14. P. 4. creta fuere dua Provincie in Congregationes. Et Bened. XIII. Conſt. ed. 1724. Jul. 15. P. 1. ſubjiciuntur Penitentiarii S. M. Majoris de Urbe Priori S. Mariæ ſuper Minervam.

CLEMENS PAPA XI.

Ad futuram rei memoriam.

ALIAS pro parte dilectorum filiorum Prioris Provincialis, & Fratrum Provincie Germaniæ Ordinis Prædicatorum Nobis expoſito, quod licet per quaſdam ſel. rec. Alexandri PP. VII. Prædeceſſoris Noſtri literas ad infantiam dictæ Provincie die nona Junii 1666. emanatas, ipſius Provincie diviſio ſub cenſuris Eccleſiaſticis prohibita reperiretur, nihilominus dilectus etiam filius Antoninus Cloche Magiſter Generalis dicti Ordinis eamdem Provinciam, iſpis Exponentibus inſciis, diviſerat, duodecim videlicet illius Conventus in Aſtria, Tyroli, & Styria conſiſtentes ab ea ſeparaverat, illoſque Provincie Hungariæ Ordinis prædicti incorporaverat, Priore Provinciali (ut aſſerebant) minus canonice, & contra electionis per Conſtitutiones ejuſdem Ordinis præceptæ libertatem præſecto, ac ordinaria Prioris Provincialis primodiçtæ Provincie in dictos Conventus poteſtate ſuſpenſa, ac propterea dicti Exponentes denegatam a dicto Antonino Magiſtro Generali licentiam, ut duo fratres dictæ eorum Provincie ad illius cauſam hujusmodi coram ipſo Antonino Magiſtro Generali, vel coram Congregatione Venerabilium Fratrum Noſtrorum S. R. E. Cardinalium negotiis, & Conſultationibus Episcoporum, & Regularium propoſita dicendam, & tractandam, ad hanc almam Urbem noſtram venire poſſent a Nobis concedi ſummopere deſiderabant: Nos ſupplicem libellum eorum nomine Nobis ea ſuper re porrectum ad dictam Congregationem Cardinalium remiſimus. Ipſa vero Cardinalium Congregatio audito deſuper dilecto pariter filio moderno Procuratore Generali dicti Ordinis, cenſuit ſeparationem præſatam rejectis dictorum Exponentium precibus, a Nobis approbari poſſe. Quare Nos dicti Antonini Magiſtri Generalis votis hac in re quantum cum Domino poſſumus favorabiliter annuere volentes, eumque a quibuſvis excommunicationis, ſuſpenſionis, & interdicti, aliſque Eccleſiaſticis ſententiis, cenſuris, & penis a jure, vel ab homine quavis occasione, vel cauſa latis, ſi quibus quomodolibet innodatus exiſtit ad effectum præſentium dumtaxat conſequendum harum ſerie abſolventes, & abſolutum fore cenſentes, ſupplicationibus ejuſ nomine Nobis ſuper hoc humiliter porrectis inclinati de memoratorum Cardinalium conſilio, ſeparationem dictorum Conventuum a prædicta Provincia Germaniæ ab ipſo Antonino Magiſtro Generali factam (ut præfertur) auctoritate Apoſtolica approbamus, & confirmamus, illique inviolabilis Apoſtolicæ firmitatis robur adſcribimus, ac omnes, & ſingulos juris, & facti defectus, ſi qui deſuper quomodolibet intervenerint ſupplemus, ſalva tamen ſemper in præmiſſis auctoritate dictæ Congregationis Cardinalium.

§. 1. Decernentes eamdem præſentes literas ſemper firmas, validas, & efficaces exiſtere, & fore, ſuoſque plenarios, & integros effectus fortiri, & obtinere, ac illis, ad quos ſpectat, & pro tempore, quancumque ſpectabit in omnibus,

XXXVI.

Dat. 21. Mar. 1703. An. 3.

Præd. diviſio olim ab Alex. VIII. vetita, facta fuit a Magiſtro Gener., & rejectis reclamatiis prædictis etiam approbata a Congr. Episcoporum & Reg.

Præces Magiſtri Gen.

Confirmatio d. ſeparationis.

Claula.